



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

SIARAN MEDIA

PEMETERAIAN MEMORANDUM PERSEFAHAMAN DI ANTARA KERAJAAN MALAYSIA DAN KERAJAAN NEGARA ANGGOTA *INDIAN OCEAN RIM ASSOCIATION (IORA)* MENGENAI PROMOSI KERJASAMA DALAM BIDANG PERUSAHAAN KECIL DAN SEDERHANA

Kuala Lumpur, 10 Disember 2020 - Menteri Pembangunan Usahawan dan Koperasi, YB Dato Sri Dr. Haji Wan Junaidi bin Tuanku Jaafar telah menandatangani Memorandum Persefahaman (MoU) di antara Kerajaan Malaysia dan Kerajaan Negara Anggota *Indian Ocean Rim Association (IORA)* mengenai Promosi Kerjasama dalam bidang Perusahaan Kecil dan Sederhana di Pejabat beliau di Kuala Lumpur pada hari ini.

Pemeteraian MoU IORA ini merupakan satu lagi inisiatif dan peluang kerjasama di bawah platform IORA untuk memacu agenda pembangunan perusahaan kecil dan sederhana (PKS) serantau. Kerjasama di bawah platform IORA ini akan membuka peluang PKS untuk memupuk kerjasama dan menyumbang kepada pencapaian nilai eksport sebanyak 30% menjelang tahun 2030.

IORA merupakan pertubuhan yang dianggotai oleh 22 Negara yang terdiri daripada Australia, Bangladesh, Comoros, India, Indonesia, Iran, Kenya, Madagascar, Malaysia, Maldives, Mauritius, Mozambique, Oman, United Arab Emirates, Seychelles, Singapore, South Africa, Somalia, Sri Lanka, Tanzania, Thailand dan Yemen.

Sehingga Disember 2020, 15 daripada 22 negara anggota IORA telah memeterai MoU tersebut yang melibatkan kerjasama seperti berikut:

- (i) membina jaringan dan kerjasama antara institusi berkaitan dari negara anggota;
- (ii) menggalakkan penyertaan PKS dalam forum perniagaan, ekspo perdagangan, seminar dan platform berkaitan;
- (iii) pertukaran pengalaman dan maklumat pembangunan PKS antara negara anggota;
- (iv) memudah cara capaian kepada akses pasaran melalui pematuhan standard, pensijilan dan penambahbaikan teknologi;
- (v) memudah cara aspek pembangunan kapasiti dan program kemahiran keusahawanan;
- (vi) menggalakkan sinergi dalam kalangan *Indian Ocean Rim Business Forum*; dan
- (vii) menjalankan kajian analisa berkaitan PKS di rantau Lautan Hindi.

Kementerian yakin pemeteraian MoU IORA ini dapat mengukuhkan hubungan kerjasama negara anggota IORA dalam mendepani krisis ekonomi akibat penularan pandemik COVID-19. MEDAC akan terus komited dalam pelaksanaan perjanjian tersebut bagi memastikan hasrat kerajaan dalam menjayakan Malaysia sebagai Negara Keusahawanan Unggul pada tahun 2030 dicapai. Seajar dengan aspirasi DKN 2030 dan peri pentingnya merasakan denyut nadi PKS negara amat penting bagi mewujudkan ekosistem keusahawanan yang holistik dan kondusif bagi menyokong agenda pembangunan sosioekonomi negara Malaysia yang inklusif, seimbang dan mampan.

KEMENTERIAN PEMBANGUNAN USAHAWAN DAN KOPERASI